

# U Pastore di Ghisoni

Per rompe a Santa Pace  
Di a notte di Natale  
Dicembre avia sceltu  
A prima ora vesperale  
Di fà move à l'ispensata  
Un funestu timpurale

Fraiu di tonu è timpesta  
Ne sufria la cuntrata  
Na la piana a camineddu  
Da la neve accampata  
C'era una banda di capre  
À la morte cundannata

A spicciera u pastore  
Corse ver di l'alta serra  
Da le borghe risunava  
U rughju di a fiumara  
Quandu chjama lu destinu  
Ùn c'hè froza chì u para

U duvere per la manu  
U s'hà presu, l'hà purtatu  
Fin'à la so bandarella,  
Mezu à ella hè cascatu  
Prima di francà la verga  
À u puntu signalatu

U pastore si murria  
À l'eternu si n'andava  
A banda di e so capre  
In chjerchju lu ricaldava  
Nu la notte negra è bianca  
A barca s'incaminava

Mezu à le so caprarelle

Si n'hè mortu un gran pastore  
S'hè spentu quandu nascia  
U bambinu redentore  
Ci aghju vistu cum'un cennu *Bis*  
D'una manu superiore

*Bartulumeu Dolovici \ Ghjuvanfrancescu Bernardini*  
*I Muvrini*